

Na osnovu člana 56 Zakona o organizaciji uprave Federacije Bosne i Hercegovine ("Službene novine Federacije BiH", broj 35/05) i tačke VI Odluke o usvajanju Programa utroška sredstava sa kriterijima raspodjele sredstava Transfera za temeljna udruženja/udruge, i Transfera za liječenje branilačke populacije, utvrđenih Budžetom Federacije Bosne i Hercegovine za 2009. godinu, Federalni ministar za pitanja boraca i invalida odbrambeno oslobodilačkog rata / Federalni ministar za pitanja branitelja i invalida domovinskog rata objavljuje:

## Javni oglas

Za podnošenje zahtjeva i programa za ostvarivanje prava na dodjelu sredstva Budžeta / Proračuna Federacije BiH za 2009.godinu iz oblasti boračko/braniteljsko invalidske zaštite.

### I

Predmet javnog oglasa je odobrenje jednokratne bespovratne dodjele sredstava za rješavanje potreba liječenja boračkih populacija i rada udruženja / udruga / organizacija proisteklih iz posljednjeg odbrambeno – oslobodilačkog / domovinskog rata i SUBNOAR-a.

Sredstva za pojedine vrste pomoći mogu se odobriti za sljedeće namjene:

1. Pomoć u liječenju pripadnika braniteljskih populacija;
2. Sufinanciranje rada/udruženja/udruga/organizacija proisteklih iz posljednjeg odbrambeno-oslobodilačkog/domovinskog rata i SUBNOAR-a;

### II

Pravo na jednokratnu bespovratnu pomoć u liječenju imaju fizička lica koja pripadaju kategoriji braniteljskih populacija, a dodjeljivat će se po osnovu zahtjeva koji se podnose tokom godine, mjesečno u visini 1/12 odobrenog transfera za 2009.godinu.

Pravo na sufinansiranje rada udruženja/udruga/organizacija proisteklih iz posljednjeg odbrambeno-oslobodilačkog/domovinskog rata i SUBNOAR-a, imaju pravna lica (udruženja/udruga), organizacije i SUBNOAR, koje su registrovane za obavljanje poslova koji se odnose na branilačke populacije, prvenstveno one koje su registrovane na Federalnom nivou sa razrađenim projektima, a dodjeljivat će se na osnovu Javnog oglasa, kvartalno.

### III

Prijedlog raspodjele i isplate namjenskih sredstva iz tačke I ovog oglasa vršit će se u skladu sa općim i posebnim kriterijima.

#### IV

Opći kriteriji za odobrenje sredstava za liječenje su:

- težina i priroda bolesti;
- visina sredstava potrebnih za liječenje;
- hitnost slučaja;
- socijalno-materijalni status;
- broj podnesenih zahtjeva;

Posebni kriteriji koji se odnose na pomoć u liječenju braniteljskih populacija, su:

1. Sredstva "Transfera za pomoć u liječenju branitelja", mogu se koristiti za dodjelu novčane pomoći u liječenju ratnih vojnih invalida i članova njihove uže porodice, članova porodica šehida i poginulih branilaca, te demobilisanih branilaca i članova njihove uže porodice, u skladu sa ovim kriterijima.  
Liječenjem u smislu ovih kriterija ne smatra se banjsko-klimatsko liječenje i nabavka ortopedskih pomagala.  
Za povratnike u Republiku Srpsku i lica iz Brčko Distrikta BiH nabavka ortopedskih pomagala se smatra liječenjem ukoliko po važećim propisima, prema mjestu prebivališta, ne mogu ostvariti pravo na ortopedsko pomagalo ili nisu oslobođeni participacije prilikom nabavke ovih pomagala.
2. Novčana pomoć u liječenju može se odobriti samo jednom u toku budžetske godine.  
Dodjela sredstava se vrši na osnovu obrazloženog pismenog zahtjeva stranke, dokaza o pripadnosti braniteljskoj populaciji, dokaza o socijalno-materijalnom statusu i priložene relevantne medicinske dokumentacije, a po potrebi i uz konsultaciju i mišljenje odgovarajućeg udruženja ili drugog organa.
3. Prioritet prilikom odobravanja sredstava prema mjesečnom prilivu ovisi o socijalno-materijalnom statusu podnosioca zahtjeva, težini i prirodi bolesti, visini sredstava potrebnih za liječenje, hitnosti slučaja, kao i broju podnesenih zahtjeva.  
Prioritet za odobravanje sredstava imaju lica iz podtačke 1. u slučaju teških bolesti, kao što su: maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.
4. U zavisnosti od uvjeta iz podtačke 3., jednokratna novčana pomoć za liječenje ratnih vojnih invalida može iznositi najviše do 3.000,00KM, a za demobilisane branioce, članove porodica šehida i poginulih branilaca, članove uže porodice ratnih vojnih invalida i demobilisanih branilaca najviše do 2.000,00KM.  
U izuzetnim slučajevima može se odobriti jednokratna novčana pomoć u visini najviše do dvostrukog iznosa iz prethodnog stava za najteža oboljenja, čije liječenje zahtijeva kontinuirano velika finansijska sredstva (ukoliko podnosiocu zahtjeva nisu odobrena ili su djelimično odobrena

sredstva za liječenje oboljenja po federalnim i kantonalnim programima zdravstvene zaštite), a ne viša od stvarnih troškova liječenja.

5. Zahtjev za dodjelu jednokratne novčane pomoći u liječenju treba da sadrži sve lične podatke o podnosiocu zahtjeva (prezime, ime, ime oca, JMBG, adresa), broj kontakt telefona, te detaljno obrazloženje o potrebi pomoći. Uz zahtjev obavezno treba priložiti sljedeće dokaze: uvjerenje o pripadnosti određenoj kategoriji branilačke populacije izdato od strane općinskog organa uprave nadležnog za branilačko-invalidsku zaštitu, odnosno od organa nadležnog za vojne evidencije; fotokopiju lične karte; potpunu medicinsku dokumentaciju izdatu od ljekara odgovarajuće specijalnosti o kontinuitetu liječenja i liječenju u tekućoj godini sa dijagnozom i propisanom terapijom; za liječenje u inostranstvu priložiti dokaz odgovarajuće klinike da se to oboljenje ne može uspješno liječiti u Bosni i Hercegovini; kopija fakture za lijekove ili troškove liječenja; ukoliko se zahtjev odnosi na liječenje člana uže porodice dokaz o srodstvu; dokaz o socijalno-materijalnom statusu podnosioca zahtjeva i članova užeg zajedničkog domaćinstva; kućna lista, za sve punoljetne članove dokaz o radnom statusu (ukoliko ne radi potvrda od Zavoda za zapošljavanje da je prijavljen kao nezaposleno lice, ukoliko radi potvrda preduzeća o radnom statusu i plaći), dokaz o zajedničkom domaćinstvu; dokaz da li je, kada i u kom iznosu ostvarena novčana pomoć za liječenje od općine, kantona i preduzeća ili druge javne ustanove (ukoliko jeste navesti iznos odobrene pomoći za liječenje); fotokopiju kartice tekućeg računa banke otvorenog na ime podnosioca zahtjeva-pripadnika branilačke populacije ili ovjerena potvrda banke sa brojem tekućeg računa.
6. Za izuzetno odobravanje pomoći u liječenju najtežih oboljenja iz podtačke 4. stav 2., podnosilac zahtjeva dužan je priložiti, pored dokaza iz podtačke 5. i: otpusno pismo zdravstvene ustanove u kojoj je liječen sa dijagnozom, propisanom terapijom i trajanjem terapije; predračun ili račun u vezi sa liječenjem; te dokaz da mu u tu svrhu nisu odobrena ili su djelimično odobrena sredstva za liječenje oboljenja po federalnom i kantonalnom programu zdravstvene zaštite.
7. Zahtjevi lica kojima je dodijeljena jednokratna novčana pomoć za liječenje u predhodnoj godini neće se razmatrati u 2009. godini, izuzev zahtjeva za liječenje najtežih oboljenja iz podtačke 3. stav 2. Kriterija. Zahtjevi lica koja su kao uposlenici državnih, federalnih, kantonalnih ili općinskih organa uprave i upravnih organizacija i javnih preduzeća ostvarila pravo na novčanu pomoć u liječenju iz budžetskih sredstava, neće se uzimati u razmatranje u smislu ovih Kriterija, izuzev zahtjeva za liječenje najtežih oboljenja iz podtačke 3. stav 2. Kriterija.
8. Zahtjevi koji nisu kompletirani svim propisanim dokazima iz podtačke 5. Kriterija neće se uzimati u razmatranje.
9. Prijedlog za odobrenje sredstava za pružanje novčane pomoći licima iz podtačke 1. federalnom ministru daje Komisija za pružanje novčane pomoći u liječenju ratnih vojnih invalida i članova njihove uže porodice, članova porodica šehida i poginulih branilaca te demobilisanih branilaca i članova njihove uže porodice, koju je Rješenjem imenovao ministar ovog ministarstva.

## V

Opći kriteriji za odobrenje sredstava za sufinansiranje rada organizacija /udruženja / udruga proisteklih iz posljednjeg odbrambeno-oslobodilačkog/ domovinskog rata i SUBNOAR-a, su:

- kvalitet i kompletnost programa;
- visina učešća sopstvenih sredstava;
- povećanje zaposlenosti;
- originalnost projekta u smislu poboljšanja uslova života i rada braniteljskih populacija, te ravnomjernu zastupljenost i očekivani učinak od značaja za Federaciju BiH;
- visina sredstva potrebnih za rad i funkcionisanje.

Posebni kriteriji za odobrenje sredstava za sufinansiranje rada organizacija /udruženja / udruga proisteklih iz posljednjeg odbrambeno-oslobodilačkog/ domovinskog rata i SUBNOAR-a, su:

- broj i veličina članstva koje okuplja organizacija/udruženja/udruga;
- širina i veličina prostora u kojem organizacija/udruženja/udruga djeluju;
- uspjesi u dosadašnjem radu;
- kontinuitet započetih, a nezavršenih programa/projekta;
- posebne potrebe i specifičnosti rada udruženja/udruga/organizacija;
- rezultat dosadašnjih realizovanih projekata i njihov značaj za članstvo u udruženju/udrugi/organizaciji i značaj za dalji rad udruženja/udruga/organizacije;
- očekivani efekti projekata/programa;

## VI

Zahtjevi po Javnom oglasu za odabir programa / projekata iz oblasti boračko / braniteljsko invalidske zaštite i zahtjevi za liječenje u 2009. godini, iz tačke IV i V, podnose se Federalnom ministarstvu za pitanja boraca i invalida odbrambeno oslobodilačkog rata / Federalnom ministarstvu za pitanja branitelja i invalida domovinskog rata, na adresu Alipašina br.41. Sarajevo.

Zahtjevi će se podnositi Ministarstvu u toku trajanja Javnog oglasa, odnosno u trajanju od 15 dana od dana njegovog objavljivanja u dnevnim novinama, (osim zahtjeva za liječenje koji se podnose tokom 2009. godine).

## VII

Aplikacioni formulari će biti objavljeni na WEB stranici Ministarstva ([www.fmbi.gov.ba](http://www.fmbi.gov.ba)), a moći će se preuzeti i u prostorijama Protokola Ministarstva. Nepotpuni zahtjevi i programi se neće uzimati u razmatranje. Federalno ministarstvo nema obavezu vraćati predatu dokumentaciju aplikantima.

## VIII

Uz zahtjeve je potrebno dostaviti slijedeću dokumentaciju, koja se odnosi na opće kriterije:

- a) Za pomoć u liječenju pripadnika braniteljskih populacija:
1. Adekvatno popunjen i ovjeren aplikacioni formular;
  2. Kopija Cipsove lične karte i uvjerenje o prebivalištu;
  3. Potvrda pripadnosti boračkoj populaciji;
  4. Adekvatne ljekarske nalaze;
  5. Fotokopiju kartice tekućeg računa banke otvorenog na ime podnosioca zahtjeva-pripadnika branilačke populacije ili ovjerena potvrda banke sa brojem tekućeg računa.
- b) Za sufinansiranje rada/udruženja/udruga/organizacija proisteklih iz posljednjeg odbrambeno-oslobodilačkog/domovinskog rata i SUBNOAR-a:
1. Adekvatno popunjen i ovjeren aplikacioni formular;
  2. Uvjerenje o identifikacionom broju;
  3. Rješenje o registraciji;
  4. Kopija ugovora sa bankom o otvaranju transakcionog/tekućeg računa;
  5. Detaljno opisan projekat ili program za koji se traži sufinansiranje;
  6. Finansijski plan projekta ili programa za 2009. godinu, sa očekivanim prihodima i rashodima;
  7. Izvještaj o utrošku sredstava za one koji su dobili finansijska sredstva od ovog ministarstva u 2008. godini.

Broj: 04-14-1724/09  
Sarajevo; 22.04.2009. godine

**MINISTAR**

**Zahid Crnkić**